

### Jagagluck.

Koa Tag und koa Stund,  
Dass ma's Leben net g'fallt,  
Bal<sup>1)</sup> i geh mit der Bux  
Durch'n lusti grean Wald.

Da singen die Vögerl,  
Da dunnerts in G'wänd  
Und die Wolk'n marschieren  
Über's blau Firmament.

Da steigen die Bam  
Wie die Leibgrenadier',  
Bin a fürnehmer Herr  
In mein' weiten Revier!

Heut' schiass i an Gams  
Und a Rehert daneb'n  
Und morgen muass a Schildhahn  
Die Federn hergeb'n.

Ast<sup>1)</sup> woass i ah sonst wo  
A Wild in der Näh',  
Däs is ma noh liaba  
Wie Gamsferl und Reh.

<sup>1)</sup> Dann.

Däs brauch i net z'schiaff'n,  
Däs kimmt ma zuag'rennt]  
Und lacht mit die Aug'n  
Und pascht mit die Händ'.

Is a Freud' so a Leb'n,  
Däs sag' i allweil,  
Und d'rüm is ma mein Stand  
Um koa Graf'schloß feil.

Und wa' i koa Jager,  
Däs sag i enk ah,  
Dass i nacher da wildastí —  
Wildbratler wa'!

Hans Fraungruber.



